

**KERATAN AKHBAR-AKHBAR TEMPATAN
TARIKH: 29 DISEMBER 2014 (ISNIN)**

Bil	Tajuk	Akhbar
1.	Kelantan diramal hujan Selasa dua minggu	Utusan Malaysia
2.	'Menyelesaikan kes pembunuhan'	Berita Harian
3.	Amaran hujan lebat tahap kuning	Utusan Malaysia
4.	Rakyat Kelantan diminta waspada hujan monsun beserta angin kencang	Sinar Harian
5.	AF Jets tambah 8 pesawat baharu	KOSMO
6.	Weather around Java Sea violent	The Star
7.	Access to east coast cut off	The Star
8.	More heavy rain to come	The Sun

Kelantan diramal hujan selama dua minggu

MELAKA 28 Dis. - Kementerian Sains, Teknologi dan Inovasi (MOSTI) melalui Jabatan Meteorologi Malaysia (JMM) meramalkan hujan tidak menentu dan kadang kala lebat terutamanya di Kelantan dan selatan Thailand akan berterusan dalam tempoh satu hingga dua minggu lagi.

Timbalan Menteri, Datuk Dr. Abu Bakar Mohamad Diah berkata, jabatan itu turut mengekalkan amaran hujan peringkat kuning dikeluarkan sebelum ini memandangkan keadaan cuaca yang belum pulih sepenuhnya.

Justeru, beliau mengingatkan orang ramai terutamanya yang ting-

gal di kawasan berkenaan supaya terus mengambil langkah berjaga-jaga serta mengikuti ramalan cuaca sebagai persediaan kemungkinan musibah lebih buruk.

"JMM meramalkan keadaan hujan ini akan berterusan dalam tempoh satu atau dua minggu lagi sebelum ia berkurang dari semasa ke semasa dan bergantung juga kepada keadaan angin.

"Hasil pengumpulan data dilakukan JMM, (taburan) hujan yang melanda Kota Bharu, Kelantan sepanjang tiga hari lalu adalah sangat luar biasa dan ia seperti yang pernah direkodkan 17 tahun lalu hingga mengakibatkan banjir besar," katanya.

Beliau berkata demikian ketika ditemui pemberita selepas merasmikan program *Back to School* Gunting Rambut Percuma Hari Keluarga Kem Terendak di Balai Raya Taman Terendak Permai dan Pelancaran Tabung Banjir Pantai Timur Pertubuhan Pemikir Muda Malaysia (PPM) di Balai Raya Taman Terendak Permai, Sungai Udang, di sini hari ini.

Yang hadir sama Pengerusi Biro Pelajaran Pemuda UMNO yang juga Presiden PPM, Mohd. Rafiq Naizamohideen.

Jelas Abu Bakar, JMM sentiasa berhubung dengan Majlis Keselamatan Negara (MKN) bagi menyalurkan maklumat berhubung

data hujan yang diperoleh di seluruh negara sebagai persediaan berdepan banjir kemungkinan lebih buruk.

"Ini bagi membolehkan semua pihak berkenaan melakukan hebahuan supaya orang ramai dapat melakukan persediaan sekiranya ramalan mendapati keadaan hujan akan mengakibatkan banjir di sesuatu kawasan," ujarnya.

Katanya, ramalan yang dikeluarkan JMM mempunyai kadar ketepatan antara 80 hingga 90 peratus dan ia turut dibandingkan dengan data yang dikumpul negara jiran sebelum sesuatu hasil ramalan dihebahkan.

KERATAN AKHBAR
BERITA HARIAN (DIDIK) : MUKA SURAT D1 & D2
TARIKH : 29 DISEMBER 2014 (ISNIN)

'Menyelesaikan kes pembunuhan'

Kuala Lumpur: Pameran 'Whodunit? Murder Mystery at Menagerie Park' yang dianjurkan oleh Pusat Sains Negara (PSN) menawarkan pengalaman menarik kepada pengunjung bagi menyelesaikan kes pembunuhan berdasarkan kaedah forensik.

Pameran interaktif bertemakan sains forensik itu dianjurkan dengan kerjasama Scitech dari Perth, Australia yang berlangsung hingga 5 Februari depan.

Menyiasat suspek

Koordinator Pamerannya, Cik Nurul

Haizun Abd Ghani, berkata melalui pameran itu, pengunjung diberi tugas sebagai detektif untuk menyiasat kes pembunuhan yang berlaku di sebuah zoo.

"Jenayah yang berlaku membabitkan seorang pengawal keselamatan ditemui mati di dalam kandang haiwan serta seekor anak badak yang didapati hilang.

"Oleh itu, detektif dikehendaki mengenal pasti suspek berdasarkan ujian forensik ke atas beberapa bahan bukti yang dijumpai. Antaranya pengesanan cap jari, objek dan sebagainya," katanya kepada *BH Didik*, baru-baru ini.

» Pusat Sains Negara menganjurkan pameran interaktif 'Whodunit? Murder Mystery at Menagerie Park' bagi menyiasatkan kes pembunuhan berdasarkan ujian forensik **Lihat muka D2**



Manfaatkan cuti sekolah

Dari muka D1

Pada pameran itu, wakil media turut dijemput oleh PSN untuk berasa mengikuti pameran berkenaan dan menempuh pengalaman sebagai penyiasat bagi menyelesaikan kes jenayah berkenaan.

"Whodunit? Murder Mystery at Menagerie Park" dibuka kepada kanak-kanak berusia 7 tahun dan ke atas, pelajar universiti dan seisi keluarga.

Hiburan sambil belajar

Beliau berkata, sesi penyiasatan akan dibantu oleh fasilitator yang membantu memberi penerangan mengenai kaedah penyiasatan.

"Pameran ini sememangnya mencabar minda. Di samping belajar, pameran bersifat permainan ini juga dapat memberikan hiburan menarik kepada pengunjung," katanya.

Bayaran tiket masuk ialah RM3 bagi kanak-kanak berusia 7 hingga 12 tahun dan



Seorang kakitangan PSN menunjukkan cara membuat **belon buih gergasi**.

RM6 untuk dewasa selain harga istimewa bagi lawatan berkumpulan sekolah rendah, menengah dan universiti serta percuma bagi orang kelainan upaya (OKU).

Selain itu PSN juga menyediakan pameran tetap membabitkan sains dan pelbagai aktiviti disediakan atau layari www.psn.gov.my untuk keterangan lanjut.

Pengamal media diberi penerangan mengenai Menagerie Park pada Hari Bersama Media di PSN.



Dua orang kakitangan PSN memberi makan kepada ikan air tawar di dalam akuarium.



Amaran hujan lebat tahap kuning

KUALA LUMPUR 28 Dis.

- Jabatan Meteorologi mengeluarkan amaran hujan lebat peringkat kuning di beberapa negeri di Pantai Timur dan Utara Semenanjung.

Menurut laman web jabatan itu, hujan monsun berserta angin kencang dijangka berlaku di Perlis, Kedah, Perak Utara, Kelantan, Terengganu, Pahang dan Johor bermula esok sehingga 31 Disember ini.

"Amaran ribut petir, hujan lebat dan angin kencang dijangka berlaku di negeri Pahang iaitu di daerah Rompin, Pekan dan Kuantan manakala di Kelantan pula berlaku di daerah Pasir Putih, Machang, Tanah Merah dan Kuala Krai," kata laman web itu.

Dalam pada itu, amaran yang sama turut membabitkan Terengganu di beberapa daerah iaitu di Besut, Setiu, Kuala Terengganu, Hulu Terengganu, Dungun dan Kemaman.

Rakyat Kelantan diminta waspada hujan monsun berserta angin kencang

KOTA BHARU- Pengarah Meteorologi Kelantan, Maqrun Fadzli Mohd Fahmi meminta rakyat Kelantan berwaspada hujan monsun berserta angin kencang dijangka bermula hari ini hingga 31 Disember ini.

Bagaimanapun, beliau berkata, fenomena itu sedikit sahaja diramal berlaku di negeri ini dan ia lebih kepada Pahang dan Johor Timur.

"Amaran kuning dikeluarkan oleh Jabatan Meteorologi Malaysia yang mana kita menjangkakan ia berlaku di Perlis, Kedah, Kelantan, Terengganu,

Pahang, Johor dan Sarawak.

"Keadaan semasa kali ini yang mana hujan lebat sudah bermula di Pahang, namun tumpuan lebih bertumpu berlaku di sebelah Pahang dan Johor Timur," katanya kepada Sinar Harian di sini.

Beliau berkata, orang ramai boleh merujuk kenyataan itu pada laman website yang disediakan Jabatan Meteorologi Malaysia.

Dalam perkembangan lain, Maqrun Fadzli menafikan viral di Facebook dan aplikasi *WhatsApp* yang seolah-olah menakut-nakut-

kan masyarakat mengenai ribut yang kuat.

"Sememangnya hujan pada musim tengkujuh adalah angin monsun dari China. Fakta itu ada, tetapi ia ditokok tambah oleh mereka yang tidak bertanggung jawab.

"Jabatan Meteorologi hanya meramalkan bagi membolehkan rakyat lebih berwaspada dan setiap fenomena itu bergantung kepada keadaan semasa.

"Kami akan sentiasa mengemas kini keadaan semasa dalam website," katanya.

